

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

**Leuren, Peter**

**Coloniæ Agrippinæ, 1704**

- 
759. An Constitutio Gregorii sit ita in observantia, ut contra eam obtendi  
nequeat, quod non fuerit publicata, & acceptata in partibus.

[urn:nbn:de:hbz:466:1-74494](#)

**Questio 756.** An, & qualiter beneficium simoniace receptum sit restituendum, aut dimittendum?

**R**espondeo primò: Si in simoniaca receptione beneficij (& in genere in receptione rei spiritualis) commissa non est quoque iniustitia, jure divino aut naturali non est restituendum beneficium, vel res alia spiritualis permanens: eadem ratione, quā dictum de pretio; quia ad validam translationem rerum spiritualium in alium jure naturali, ac divino requiritur solum in dante potestas, & voluntas, seu intentio transferendi, & in accipiente capacitas acquirendi; quod autem fuit datum pro pretio, vel sine illo, non obstat validitati actus. Pirk. loc. cit. n. 18. Laym. loc. cit. n. 8. Sed neque in hoc casu, dum iniustitia commissa non est (uti eam non committi in resignatione beneficij, dictum est quæst. præced.) jure Ecclesiastico ante Judicis sententiam restitui debet rem spiritualem receptam, adeoque dimitti non debet beneficium per simoniacam resignationem obtentum, docere videntur ijdem ll. cit.

2. Si verò commissi simul iniustitia, puta per collationem, præsentationem, electionem, &c. simoniacam, restituendum, seu dimittendum beneficium, etiam ante sententiam Judicis, et si res alia spirituales in hoc casu adhuc non sunt restituenda, dictam sententiam, tradit Pirk. loc. cit. Verum de hoc satis fuse supra, ubi de privatione beneficiorum ob simoniacam.

**Questio 757.** Quis sit Index competens in crimen simoniae?

**R**espondeo: Judex sacerdotalis non potest de hoc crimen cognoscere, sed solus Ecclesiasticus, etiam si reus sit Laicus. Pirk. ad tit. de simon. n. 142. citans Gl. communiter receptam in c. cum sit. de foro compet. v. malefactores. Clarus l. 5. Sent. receptar. §. simonia. n. 7. Simonia enim versatur circa objecrum, & res spirituales, & Laicus causas spirituales tractare nequit, juxta c. 2. de judicis. Porro qualiter probetur simonia commissa in beneficilibus, fuse dictum, ubi de privatione ob simoniacam.

## PARAGRAPHVS XII.

### De publicanda Resignatione.

**Questio 758.** Qualiter, seu unde introducta publicatio resignationum?

**R**espondeo: Introducta est ea primitus vi Regularum Cancellariae super hac publicatione necessariò facienda, edi ceptarum à tempore Sixti IV. (ante ejus enim tempora nulla defuper exstitit Cancellaria Regula. Paris. de resign. l. 11. in prefat. n. 2. ex Sarnensi.) ac deinceps renovatum, adiectis, vel demptis, aut immutatis hinc inde aliquibus per subsequentes Pontifices, utique ad Pium V. inclusivè. Paris. loc. cit. n. 1. cuius Regula, prout edita ab Innoc. VIII. & Paulo V. tenorem vide apud Chok. ad reg. 36. cancell. & Azor p. 2. l. 7. c. 24. q. 1. & Paris. loc. cit. n. 2. Dein Pius V. non concursum hisce Regulis, hac super re editis tam à

Prædecessoribus suis, quā à seipso, edidit defuper Constitutionem, quæ incipit: Sanctissimus, & est in Bullario 182. hujus Pontificis, cuius tenorem vide quoque apud Azor. & Paris. ll. cit. quā Constitutione suā derogavit in totum, vel magna ex parte aliis Regulis suorum Prædecessorum, super publicatione hac emanatis. Paris. loc. cit. n. 4. Deinde hac super re emanavit Constitutio Gregor. XIII. de Data 1583. nonis Jan. quæ incipit: Humanovix: & inter Constitutiones hujus Pontificis est 87. cuius tenorem vide apud Paris. loc. cit. n. 5. ubi etiam, quod ea confecta maximā cum deliberatione, & ex ordinatione ejusdem Gregorii examinata in plena Rota, per quam Constitutionem derogatum non solum regulis Cancellariae de publicatione, sed etiam ipsi Constitutioni Pii V. super eadem publicatione edita. Paris. loc. cit. n. 6. Azor. cit. q. 1. fasta etiam in ea expresa mentione Regula Cancellariae, quā Constitutionis Piana, loc. cit. nu. 9. Quin & in totum abrogata eadem Pii Constitution. Paris. n. 17. (faciens n. 14. hanc inter derogare, & abrogare differentiam, quod abrogare legem, sit in totum eam abolerere; derogare verò, partem ejus tollere) Ventrigl. To. 2. annot. 4. §. 2. n. 87. cum Mareschot. variar. refol. l. 1. c. 51. per rot. id latè probante. Ita ut propter ea à tempore Gregorii XIII. Regula de publicandis inserta amplius non inventari Regulis Cancellariae. Chok. ad dictam Reg. nu. 12. Quantum verò intersit, seu quantum discrimen sit, & in quo inter hanc Gregorii, & Pii Constitutiones, ut & eam Cancellaria Regulam, vide apud eundem Chok. loc. cit. à n. 14. Porro dicta Constitutione Gregorii hodiecum observatur à Curia Romana, estque in viridi observantia. Paris. loc. cit. n. 24. Chok. n. 13. Garc. p. 11. c. 3. n. 273.

**Questio 759.** An ergo dicta Constitutione Gregorii ita sit in observantia, ut contra eam obtendi nequeat, quod non fuerit publicata, & acceptata in partibus?

**R**espondeo affirmativè. Chok. cit. n. 13. Paris. l. 11. q. 9. n. 6. dicens, hanc esse veriorem, & communiter ab omnibus receptam sententiam, etiam de stylo, secundum quam resolutum a Rota. 2. Maij. 1584. in Ippogerien. Canonica, esse locum huic Bullæ, & ubique, ac omnes afficeré, ubique eam esse usū receptam; et si Garc. loc. cit. n. 28. dicat in Hispania, vel saltem in Episcopatu Abulensi, in quo nunquam fuit promulgata, non videri usū receptam, quod resignantes & permutantes coram Ordinariis. Quod ipsum tamen Castrop. & ipse Hispanus de benef. tr. 13. d. 6. p. 2. §. 6. n. 6. dicit, sibi durum videri, nec facile se id credere. In aliis verò Provinciis adeo receptam esse, testatur Chok. loc. cit. ut non servat illius formam, resignations & permutations five coram Papa, five coram Ordinari factæ nullius sint roboris, beneficiisque uti reservata possint à Papa impetrari; quamvis & Pirk. ad tit. de renunc. n. 109. idem dicat de partibus nostris, hoc est, Germania, quod Garcius dicit de Episcopatu suo Abulensi.

2. Ratio responsionis est, quod, ut lex liget extra Curiam, sufficiat esse Romæ publicatam. Paris. cit. q. 9. n. 8. & 10. citans Nav. cons. 1. n. 19. de confit. testantem hanc esse communiorum. Natural. cons. 295. n. 5. Bursatt. cons. 200. n. 104. vol. 2. Et Idque ad minimum attento stylo & conueniudine Curia

Curia, de quo pariter testetur Nav. Paris. cit. n. 8. Sic constitutiones omnes alia perpetua ex hoc, quod publicentur Roma, ligant per totum orbem, & sunt in usu. Paris. n. 9. citans Paul. de Eleaz. in prœm. Clementinar. Sarn. in prœm. regular. Cancell. q. 3. n. 13. &c. Sic regula Cancell. quæ non publicantur nisi in Curia, ligant omnes. Paris. n. 11. citans Pavm. in prælud. Extravag. Felin. in c. 2. de re-scrip. Barbat. cons. 57. col. 2. l. 1. & alios plures. Et certè uic. Bulla coenæ, nec alia plurima Constitutiones non nisi Roma promulgata obligarent: quia nec ipse liber Decretalium, & Clementinorum, quod dicere absurdum foret. Paris. n. 16. & 17. Huc facit, quod citatus à Paris. n. 13. D. Tho. l. 2. q. 90. a. 4. tradit: nimis subditos absentes à legis promulgatione obligari ad illam eā ratione, quod illa devenit, vel devenire potest in eorum notitiam, nulla facta mentione de publicatione facta in provincia, vel ejus capite. Jam verò dicta constitutio Gregorii paulò post publicationem impressa & posita in volumine Bullarum seu Bulario, ex hoc dicitur Extravagans latiss. nota. Paris. n. 15. Et hinc sententiam latam contrahanc Extravagantem esse nullam, tanquam latam contra legem scriptam, dicit Pavm. prœm. Extravag. apud Paris. n. 19. Adde, quod dicta constitutio continet decretum irritans, quod etiam ignorantibus ligare, communiter receptum est, juxta Butrio. Imol. Abb. Felin. Decimus &c. in c. 2. de confit. Paris. n. 14. Nec obstat Authen. ut novæ constitut. quia loquitur de constitutione Cæsarea, quæ in hoc sensu differt à constitutione Pontificia, juxta Sarn. in prœm. reg. Cancell. q. 2. n. 13. & alios apud Paris. n. 22. Imperatore, ut Imol. in prœm. Clementinar. habente pedes plumbeos, Papa habente pedes plumbeos, & existente immobili. Paris. loc. cit. vel etiam dici potest cum Sarn. procedere dictam Authenticam de nova constitutione, quæ non potuit illlico per famam innotuisse, vel, ut Paris. n. 23. locum illam non habere in præsente casu ob decreto irritans inclusu in dicta constitutione Gregorii ligans etiam ignorantem. Vel denique cum Nav. cons. l. n. 20. de confit. apud Paris. n. 24. procedere dictam Authen. quantum est attento jure scripto, non autem attentio consuetudine & stylo Curia, vi cuius obligat hæc constitutio, etiam ubi noua est publicata. Neque etiam dici potest, quod ejus publicatio non sit usu recepta, ac proinde de ea judicari, quod de aliis legibus usu non receptis, quæ non ligant; cum plurimæ, & infinita passim causa terminata fuerint, & terminentur per dictam constitutionem, plurimæque exinde resignations annulataz, impetratiōnēsque factæ, & novæ provisiones expeditæ. Paris. n. 25. & 26.

*Quæstiō 760. Quisnam finis hujus Regule, vel potius Constitutionis Gregorianæ de publicandis: seu ob quam causam introducta hec resignationum publicatio?*

1. Espoudeo primum in genere: statuta hæc publicatio ad obviandum fraudibus & malis, quæ oriuntur ex clandestinis resignationibus, prout expressè dicitur dictis constitutionibus Pii V. & Gregorii XIIII. Paris. l. II. q. 1. nn. 1. Rebuss. in pr. ad hanc reg. Chock. ibid. n. 3.

2. Respondeo secundū in specie: has fraudes & mala evitanda per dictam publicationem ad quatuor reduci capita à Caltrop. tr. 13. de benef. d.

P. Leuren. Feri Benef. Tom. III.

6. p. 2. §. 6. nn. 2. nempe ne simulata ac fidei fiant religiaciones, ne resignantes ad resignata beneficia redeant, ne Ordinarii collatores priventur iure conferendi, ne Parochiani ignorent Pastores suos, à quibus Sacramenta recipiant, & quibus decimas solvant.

3. Quæ eadem ferè paulò explicatiū quinque capitibus comprehendit Paris. cit. q. 1. à nn. 5. Ac primò quidem, ut Paris. cit. n. 5. ut tollantur similitudines resignationes, & ne resignantes post admissionem resignationē in beneficio sic resignatis remaneant, seu se irrudant, percipiendo fructus, aliaque faciendo, ut veri eorum Rectores, in grave periculum animarū, tam propriarum, utpote qui per resignationem amiserunt jus omne habitum in resignato beneficio, adeo que obligati ad restituendos fructus postmodum perceptos; quam Resignarii, utpote qui iuxta Hieron. Paul. in præxi Cancell. apud Paris. n. 9. graviter peccant, permittendo resignantem uti beneficio, ut rectorem illius. Secundò, ut Paris. à n. 10. ne Resignantes manentes in beneficiis, & dignitatibus, & quibus annexa administrationis spiritualium, puta collatio Sacramentorum, beneficiorum, indulgentiarum, dispensationum &c. ea exerceant in magnum fideliū prejudicium; dum intrusus sine titulo ea administrare nequirit, & error communis in hoc casu deficiens tituli non juvet recipientes, juxta Sarn. ad hanc. reg. q. 3. Abb. in c. si verd. de sent. excom. in fine. Card. Paris. cons. 136. col. 2. vol. 4. & alii apud Paris. à n. 14. pluribus id exemplificantem in excommunicato. Consideravitque hanec ipsam rationem expresse Pius V. in sua constit. Tertiò, ut Paris. à n. 22. ne Parochiani, aliquique cum talibus resignationibus, permutantibus in possessione beneficiorum resignatorum, tanquam cum veris eorum Rectoriis contrahant, & ex hoc decipientur, & ne iis solvant decimas, aliaque debita, & postmodum cogantur ea denuo solvere veris Prælatis, & repeteret ab intrusis, quibus ea solverunt. Quam quoque rationem expressit Pius V. Quartò, ut Paris. à n. 24. ne Ordinarii deludantur, dum nempe decadentibus talibus resignationibus remanentibus in possessione beneficiorum resignatorum, hi ordinarii collatores, existimantes ea beneficia vacare per obitum possessorum, ea conferant, arque ita detecta eorundem resignatione jam pridem facta eluderentur tam ipsi, quam ab iis provisi, præbeatürque inter hos provisos, & resignatariorum longa litigandi materia. Vel etiam dum mortuo in hoc casu resignatio, verè vacaret beneficium, & tamen conferri nequirit, collatore existimante beneficium adhuc esse plenum, seu possessorum esse verum illius Dominum & titularem, ex quo daretur longa vacatio Ecclesiarum, magnopere prohibita à canonibus, *cne pro defuncto elect.* Quintò, ut Paris. à n. 31. ne inveniatur successio quasi hereditaria in beneficio, dum nimis resignans occulè remanserit in beneficio resignato, vult vivens potiri beneficio, cum interim per resignationem voluerit sibi providerere successorē. Cujus quoque rationis, uti & præcedentis expresse meminit Pius V. in sua constit.